

# IZVOD IZ ZAPISNIKA

sa održanog 3.sastanka Privrednog savjeta Općine Bosanska Krupa

Sastanak održan dana 18.09.2015.godine u restoranu ALGA u Bosanskoj Krupi  
sa početkom u 14,00 sati

Prisutni:

Armin Halitović, načelnik, predsjedavajući, Sejad Mujagić, zamjenik predsjedavajućeg, Samir Mesić, Sadika Halitović, Šefik Veladžić, Hikmet Todorovac, Ismet Pašalić, Jovo Adamović, Esma Hergić, Nijaz Tatarević, Zeid Mujić (predstavnik d.o.o. SMRČA), Anmoni Ferruccio (predstavnik d.o.o. BOSANCAR), Haris Komić

Prošireni sastav,

Muhamed Aldžić, Dževad Bešić, Dedo Bešić, Zihad Jašaragić, Ismet Ibrahimbegović, Almir Harbaš, Anel Bešić, Husnija Avdagić, Zekir Šahinović

Prezentanti: Azra Veladžić

Ispred EDA, Agencija za razvoj preduzeća, Jelena Prohaska

Ispred USAID-SIDA GOLD, Dinka Majanović

Odsutni:, Zlatan Huzeirović, Mladen Lonić, Adem Šahinović, Samir Muminović, Mirsad Alukić, Raza Skenderović,

Dnevni red:

1. Uvodna riječ,
2. Prezentacija Analize rezultata istraživanja po privrednom anketiranju privrednog sektora u uslovima poslovanja,
3. Prijedlozi mjera za podršku poduzetništvu zasnovanih na rezultatima ankete
4. Definiranje zaključaka za unapređenje poslovnog okruženja općine Bosanska Krupa,

#### Ad.1/

Predsjedavajući Privrednog vijeća g. Armin Halitović otvorio je sastanak i pozdravio sve prisutne i naglasio da su na današnjem sastanku pored članova Privrednog vijeća pozvani i predstavnici partnera i to gospođa Jelena Prohaska, CREDO-KRAJINA Banja Luka i gospođica Dinka Majanović USAID - SIDA GOLD PROJECT, programski ured u Bihaću. Pored gostiju pozvan je određen broj predstavnika vodećih privrednih subjekata Općine Bosanska Krupa.

Nakon toga je predsjedavajući stavio predloženi Dnevni red na dopunu, izmjenu i usvajanje. Obzirom da nije bilo dopuna niti izmjena od strane prisutnih Dnevni red je usvojen sa predloženim tačkama.

#### Ad.2/

Gospođa Azra Veladžić uposlenica Službe za obrt je prezentirala Analizu provedene ankete poslovnog sektora sa naglaskom na dio problema koji su u nadležnosti lokalne zajednice i koji se odnose najviše na nedostatak stručne radne snage, visoku stopu nezaposlenosti te sporo rješavanje predmeta radi pribavljanja mišljenja i saglasnosti viših nivoa vlasti.

#### Ad.3/

Nakon prezentacije prisutnim se obratio gospodin Haris Komić direktor Plod centra i predložio moguće kratkoročne mjere za prevazilaženje postojećeg stanja. Između ostalog je naglasio da se može organizirati prekvalifikacija u skladu sa potrebama lokalnih privrednika. Općina je već u pripremi formiranja Centra za podršku i razvoj poduzetništva u okviru poslovne zone „Pilana“ čiji će korisnici biti poslovni sektor iz Bosanske Krupe i šire. U ovom Centru će se razviti servisi koji će biti usmjereni na razvoj radne snage poslovnog savjetovanja i tehničke podrške poduzetnicima.

#### Diskusija

Nakon toga su riječ uzeli predstavnici privatnog sektora i generisali svoje probleme:

1. Nepovoljni uslovi poslovanja, visoki neporezni prihodi
2. Nerazumjevanje stanja u poslovnom sektoru od strane zakonodavne vlasti Općine Bosanske Krupa
3. Nedostatak adekvatnih profila u metalnoj i drvnoj struci što predstavlja dodatni problem u procesu razvoja firme kao dodatni trošak, jer sami moraju finansirati razvoj radne snage
4. Nedostatak gruntovnice
5. Izmjene i dopune postojećih Regulacionih planova
6. Zajednički nastup lokalne uprave i privatnog sektora u borbi protiv rada na crno
7. Redovne periodične analize poslovanja urađene od strane nadležnih općinskih službi sufinansiranje START-UP biznisa
8. Formiranje poslovnih inkubatora u okviru poslovne zone „Pilana“
9. Finansijska podrška poslovnom sektoru od strane lokalne zajednice za stručno usavršavanje zaposlenih i potencijalno novouposlenih u prerađivačkom centru

Gospođa Jelena Prohaska ispred Agencije EDA iz Banja Luke se obratila prisutnim i zamolila da prisutni ispune Upitnik za definisanje prioriteta za unapređenja poslovnog

okruženja općine Bosanska Krupa. Rezultati iz upitnika će biti polazna osnova za pripremu Programa podrške koje će lokalna zajednica zajedno sa Agencijom EDA i drugim kompetentnim agencijama razvijati za poslovni sektor.

Ad.4/

Gospodin Armin Halitović je rezimirao komentare svih prisutnih i predložio slijedeće zaključke:

1. Općina Bosanska Krupa na osnovu definiranih potreba privatnog sektora u pogledu razvoja radne snage će kreirati kratkoročne mjere koje će imati finansijsku podršku planiranu u budžetu općine za 2016.godinu.

2. Na osnovu iskazanih potreba poslovnog sektora općina će sačiniti Akcioni plan zapošljavanja za 2016.godinu sa fokusom na prerađivačku industriju i poduzetnike početnike.

Sastanak završen u 15,30 sati

Sekretar:

Selma Šehić